

范德機詩集

四



范德機詩集

范德機詩集卷之七

七言律詩

正月節日上寶曆寺行禮退事

朝參不見承明廬  
夢想三更尚是初  
宵三重山渡列炬  
冷二流水逐行車  
柴關響接群僧磬  
草澤心馳上帝居  
聖壽延長天廣大  
固應涵養及樵漁

晚經皮使君江居不見賦簡

使君直節更無雙  
又拜濃恩出海邦  
絕域朱幡兼皂蓋  
名園碧樹倚清江  
山明殘雪當松隴  
岸斷斜暉射石缸  
愧殺會稽王子敬  
過門未遂此心降

憶得去年尋藥圃  
甚怜此日負花時  
擘舟况說省燈及  
叩閣應煩把酒思  
浩二古今奚我獨  
悠二江海足吾師  
西墻倘遂殘年願  
來往風流或可期

松湖渡亭子夕眺懷西山朱鍊師

不辭無愁祇遣愁  
憑高試看水東流  
一天鷺影摩仙闕  
兩岸蟬聲送客舟  
肯信先生居錦里  
不將夫子敬丹丘  
如聞舊按蓬萊節  
松下時二省釣游

題阮茂材詩卷

炳二人間阮嗣宗  
能詩化動每愁懷  
九霄麗日開鳴鳳  
六月深淵起卧龍  
前輩文章工祖述  
後生師友係遭逢  
一編欲反明珠寄  
寶匣看君不敢封

贈熊處士還山房

庐山中有山房焉李尚書公擇藏書處今廢矣海昏李氏爲其先作書堂於建昌州亦曰山房并記尚書焉蓋有慕庐山者矣聞熊脩業是間故作此記之

尚書舊隱在匡廬亂後傳聞宅已墟祠宇祇今誰薦  
鞠鬼神猶自護遺書石泉宛二輪神細川樹芒二映  
日跡不識海昏熊處士冥棲消息近何如

贈傅汝礪北游

十年身不到瀛洲江上逢君又素秋行李祇今何處  
在看花須及俊年游滄波遠去浮三鴨白日高懸照

九州大旱若將敷說命賢良記取舊弓裘

贈熊文學

江東闕闕冠群倫多士如君復幾人庠序弦歌時雨  
潤廟堂俎豆德風淳嘗因矯幸思鴻鵠何幸外平觀  
鳳麟黃葉前門寒色早佇看天上紫泥新

送馬椽迂湖南

聞君整与故交違去逐西風落葉飛看劍未成今夕  
會牽舟定復幾時歸雲開帝子黃陵廟月過將軍赤  
壁磯事業還須各努力收名即用繡爲衣

八月二十日晚試院得兩次時作

彤庭下詔開賢良大府新開藝戰場一道風雷發號

令九霄星斗煥文章求材正合隆天爵發策應當急  
歲荒昨夜雨声傳數點爭燒銀燭待新涼

贈李宣使

故園雲卧四三年府署依然念子賢莫爲馳驅傷遠  
道但將忠孝感皇天湖南政善聞爭薦日下絲綸正  
近傳爲報津頭黃鞠藥明當照我上江船

大明殿退朝

曉星寥落動晴霄双闕香雲近眼飄警蹕西來天影  
近衣冠北上海光搖閒因正笏知春漏忽報簫声押  
晝朝黍後詞人雖寡陋極知聖主體軒堯

清謙奉教

日上高城烟霧多玉簫前路散鳴珂開筵迥出清川  
上對酒其如綠樹何南極有星朝玉闕中天佳氣掖  
奎坡長年不負經綸寄願及昌時養大和

四月十六日指東華門奉迎香輿

天香曉報出宮城已辨隅頭合樂迎黃鳥低斜衝隊  
過紫駟踈蕩著班行百王盛祀無遺典萬乘深居有  
至情失喜快傳湯沐賜禮官識姓未知名

禮成還齊宮

九重雅有舜儀刑猶遣精神接杳冥朱戶瞻星扶帝  
坐清天分月下齊庭周旋宛若羹墻見薦裸徒聞黍  
稷馨歸舍何人發新詠卻兼鳴珮雨邊聽

至夏庄懷平坡舊游

平坡谷前挑杏花年時著屐到君家祇今可買惟村  
酒無復能來試石茶簾幙高二通紫燕溪潭欵二伏  
青蛇同游昨有虞公子卻爲盧郎得浪誇

贈王主事如上都

天官幕府盛諸卿又從皇輿赴上京解后同爲遠道  
客比隣猶有故鄉情秋風響近彈琴峽夜月懸當直  
斗城須記今年上馬日麟蒲杯裏試長生

長春瓢奉同夏楊二編脩爲九宮道人作

妙絕新亭九宮下侶杯非杓異山壘昔從樹杪冷風  
去今向天邊洒雨來芥子量應容宇宙黍珠境不外

樓臺從師斟酌行藏事小閣冥靈一萬迴

送梁知事之婺州

皓月青雲若箇邊送行恨不共吳船新官浙下皆名  
郡舊宅山東有賜田禮樂固應張盛代簿書勿用嘆  
流年經時不見曹貧外今日因君重惘然

追和盧脩撰張平章園亭觀花飲

白藕花邊香已秋西郊風物野亭幽未須短杖扶持  
病且遣孤尊斷送愁紫氣近連飛鳳闕青山遙隔釣  
魚舟勝游縱在招要外猶解因詩頌醉侯

秋日集詠奉和潘李二使君浦編脩諸公

十韻

曾剗城邊白露零。秋声不任旅人聽。差。乳燕朝歸  
舍。噤。二。高。鳴。暮。過。庭。以。病。酬。閒。翻。自。惡。將。愁。抵。醉。秣。  
難。醒。何。人。解。擬。匡。庐。賦。千。仞。岡。頭。瀑。瀉。餘。

將身跳出市間壺。美賈由來不用沽。大地騎鵬須共  
化。中宵上鶴倩誰扶。庶幾未老投簪去。尚可長生折  
簡呼。此輩終非塵土物。明朝種橘孝諸蘇。

生也無涯死有涯。拋書我擬問南華。要知立志非多  
事。但使成言自一家。寒樹接天霜映鵲。濕荒滿地雨  
生蛙。相過倘遂携尊酒。檢按墻東野菊花。

迥無江左管夷吾。誰復能稱晉宋書。運本閑天聊尔  
耳。力能蓋世復奚欤。百年草。二。雲。龍。地。四。海。悠。二。法。

家。庐。曾。向。鐘。山。醉。芳。草。至。今。心。死。及。菑。畬。

流落移家白帝都。低頭魏盡馬相如。題橋一字終何  
益。賣賦千金竟或無。風月長留前輩詠。塵沙滿載古  
人書。此身況寄空江上。已異當時舊鬢鬚。

浮世有由虛寸尺。明時無伎畲涓埃。偶隨青瑣須高  
步。欲綴丹書甚寡才。斷壁雲過溪笛逝。虛林映雨寺  
鐘來。幾年閒卻持螯手。強為清秋送酒杯。

潘公壻角樹連亭。曾是笙簧晝夜聽。門巷祗今埋糞  
壤。輪蹄自昔走雷霆。長因午睡思茶竈。卻為朝吟歎  
竹高。若續濟南名士錄。莫令憔悴鵲湖亭。

李侯高朗若空晴。論議詩書滿腹撐。期接仙舟應少



便偶分宮硯亦多情  
蠻荒異俗中年歷  
河漢頻秋向夕傾  
此去整煩南郡守  
旗旌勿用野人驚  
初

浦君高價本璫璣  
多幸兼葭得所於  
孝道初輕千里驥  
收功直到九州魚  
詩探飯顆尤難測  
賦擬蘭陵定不虛  
月二西垣更夜直  
還應共我惜居諸

秋入江山錦綉開  
白雲紅葉及詩才  
句成祇用三年得  
槎在應須八月回  
自是每爲浮客累  
非關不受故人催  
憑將寄語詞林老  
風雨重陽又近來

送白無咎太守之郡

瀟洒中書舊省郎  
排雲曾攬舜衣裳  
一麾况復守名郡  
萬事不如歸故鄉  
馬首漸違燕闕雨  
鴈聲欲度晉城霜  
漢廷擇相皆良吏  
蚤奉蒲輿謁建章

奉同陳應奉訪友人不遇

翰林小暇出西城  
京國餘秋晚更明  
鷗度折磯心已熟  
馬逢危石眼偏生  
疾風稍定樓臺色  
微照猶含鼓角聲  
會合何因得惆悵  
潛夫祇媿未潛名

夜坐有懷舍弟在江右別來凡閱九冬  
至天邊此夜逢冬至江表頻年望客還  
謬戴詞林深雨露卻怱棣萼遠河山  
周流本已達長策趨走那堪益厚顏  
何日求田歸計定一尊松下詠閒閑

寄別倪大同

知君久住玉真壇  
日與飛仙弄紫環  
從此便令行地

端逢誰不說上天難鶴邊紅日浮觴送馬首青山抱  
檄者相好何因不相別寄詩應到暮雲端

將赴雷陽送羅提率之任廣東

松滋整泊荆門船復指番禺路幾千茉莉香深和酒  
露挑柳葉暗煮塩烟齊人舊筭無遺策漢史新裁有  
剩錢莫爲還荒心力急朱崖更在海南邊

休日出郊三首

上方鐘鼓昏依稀出定諸僧縮法衣迎客猶能下殿  
走訪人更有待尋歸禿鷲近水行仍啄危燕當梁乳  
更飛自古旅懷煩尉藉並游方事莫相違

承相祠西柳子園新開湖館見遙却風含碎羽珊二

過浪湧長干剡二翻止息幸然無鶴爵去來應或有

鷗鵬江邊柳樹晴相倚祇爲行人作斷魂

歇馬高林烟霧開感今懷古獨登臺迂臣逐客皆前  
輩幙長郎官尽上才放浪已聞窮九域飛騰終合近  
三台謝公自有青雲履且去從容步紫苔

寄友人

繡衣行部直南州幙府英名蚤歲收如此一臺兼二  
妙令人万里破千愁挑柳葉暗潮声暮薛荔花懸岳  
影秋此去三湘寧九住近天須應尔重書求

題燕山僉事練繡堂

海康城下白雲飛南部觀風使者歸督郡須持直

斧曆階尚掛老萊衣。高堂見月思丹檄。遠路逢春憶翠微。賴有勝流詞翰在。定隨華榜照林扉。

贈余使君致仕還江東

九華山下女羅衣。使者旌旗發粵中。昔至本膺丹詔重。今歸唯頌白頭公。百年自喜行藏定。千里何當語笑同。門口侍船應有待。大江西即大江東。

焚樓鎮志曰。漢大將焚船處也。今爲文昌縣懷古奉簡邑文亭。

龍節遠。一去不歸。漢家將軍建國威。當時曾見樓櫓集。異代空聞塵土飛。風壓春潮吞亂嶼。岸分古木轉斜暉。旁人猶解祠神女。何故功臣廟額稀。

立春日

今反春節喜新晴。况是山堂此日成。畦菜撥餘傳葉美。逕桃留在著花明。雲開葛井蛟龍動。雪尽蕭岩鶴鶴鳴。失喜浪傳京邑信。未閒鄰舍識高情。

寄題何処士竹閣

吳漢仙翁丹井西。君家高閣俯清溪。冷二脩竹簷時到。井二空烟鶴晝啼。解帶欲圍蒼雪遠。敲門待看綠陰齊。何當試畜登臨願。繫馬宅前楊柳枝。

巫原廟前觀雨雨止渡江觀魚

乍來倏去峰前雨。半落未開沙際花。春遠客懷淹燕雀。年荒民命撥魚蝦。徒聞黃霸能爲郡。豈識張寬苦

漫查早謂仙人無世慮山深往二飯胡麻

送毛鍊師奉祠禮成還京

仙官持節下青冥海濱嚴祠衛百靈行爲治平循禹服禮從禋祀想虞廷東風到處隨神雨南極歸來奏壽星致福要當宣室問鶴書先報白雲高

龍潭塚

征夫魚貫涉秋層樹底照見石磷磷二攀緣唯有千古意搖落猶如三月春  
天清過澗須飲子日晏唼林鷄  
警人七曲擢歌誰按得它年重問塚頭津

題黃隱君秋江釣月圖

舊識先生隱者流偶因圖畫想滄洲  
斷雲滿路碧牕  
晚明月何年青嶂秋世故風塵双短發生涯天地一扁舟  
何由白石空磯畔招得人間万户侯

寄上甘肅吳右丞三首

要使唐虞化遠覃玉門關下屈征驂  
多憂總爲民心苦有喜唯聞郡姓甘  
日晚邊沙黃洗二天晴隴樹碧  
穠二國風不繫秦州外自此西人識召南  
歷數先朝輔弼賢如公孰可語同年  
二童一馬臨荒鎮百感千憂倚上天  
深厚已聞鸞詔趨平安不用鴈書傳  
別來濯二春城柳誰信秋風慰目前

塞上孤鷹白雪毛塞門風物靜蕭騷  
黃河西去從天下秦華東來拔地高  
杓杓莫將如意以醍醐足飲騫

滿壺遙瞻圭衮還舟日正駕江湖心緒勞

郭茂才要飲舍下忽報董中丞靈樞自上  
都至出城迎之遂負此約戲題奉謝

相期把酒對秋暉忽報中丞旅櫬歸遂逐城東朝騎  
發遙怜江口夕鴻飛陶潛宅隱波吞石謝傳山寒雨  
打扉人事雖殊風物在笑談豈可眼中稀

九月十九日京東門与董右軍諸公別至

通州還寄在京朋游

臨分強顏作笑言上馬慟哭投烟村十年總仗舊交  
力萬里獨懷明主恩南極下頭星象少東風近便柳  
梅絲時人祇恠丹砂令曾以虛名細討論

山齋二首

山齋朝雨竹光勻茶竈催添石火新對語黃鸝真不  
俗飛來無鷺淨無鄰辭榮豈敢要時論賞靜猶應愧  
古人報道林河春漲起少須重理舊絲綸

幽栖自是少經過萊叟書囊奈癖何仙井朝來雲氣  
重洞房夜尽兩声多江湖耆舊深思憶臺館風威尚  
琢磨自尔索居增固陋負苓誰問首陽阿

送陳從事歸江東二首

長年京下送人歸初及扁舟指翠微豈意遂聞鴻鵠  
操卻須同製芰荷衣清江碧樹重二見紫燕黃鸝處  
處飛如此交游二三輩何因中歲每相違

吳儂呼劍每通神鑄作由來極苦辛天下從無增續  
士夜中須有識光人即今況躡青雲地何日重翻紫  
陌塵令弟兩街清顯甚定應携手接星辰

傳之經歷謁告還湘中未語別而宵征翌  
日與俺友追送生居亭中

美人歸思落滄波昨者論心肯重過寒盡極知春意  
在夜深無奈月明何海隅雖整違霜幕天上應須接  
玉珂如此才賢移病去瘴烟端的爲誰多

北風盡日破南溟行客經年倚壽星子有全家依翠  
岳我猶万里隔青冥山田鹿下投書去水館猿啼却  
坐聽王事馳驅知有素何由重見此郵亭

十月九日詣天光門上進三朝寔錄

儀鸞簇仗滿雲端玉鑰初開衆樂攢三后龍光周典  
冊群臣鵠立漢衣冠炉香著日浮晴靄宮樹班香試  
曉寒千騎前頭都不避祇傳李士拜金盞

畫馬

一自房星下溼洼龍媒多在玉皇家赤毛洒血微生  
汗黑暈搏雲整作花不待老能知失道固應來是涉  
流沙如今豈少真神駿猶有丹青紙上誇

石氏壽母

鶴髮西風尚健身綵衣天上四麒麟尔門皆可二千  
石此母何妨五百春露下齊山紅樹曉雨生溱浦綠

波勻勝筵偶覩諸賢詠  
尺敬東州李士醇

歸來

十載歸來問草堂  
入門喜見葛山蒼  
慈親已尉占烏鵲  
稚子行堪諫鳳凰  
新理園池幾瓶物  
小移松栢且分行  
卜居未是居難卜  
爲恐傍人議楚狂

和柳提李贈危太樸

伐木丁二秋滿山  
詩筒忽到寺開顏  
當時有客諳花洞  
此地經年上竹關  
絕域尚懷身倚劍  
深居曾夢手持環  
文章政類龍多變  
識察能通豹幾班

題新喻吳氏浩然堂遺事

釣磯西畔問宜州  
回首空山又數秋  
曾見龍蛇飛敗壁  
每疑魚鳥逐扁舟  
風雲一變衣冠地  
城郭重來石幽傳  
得眉山遺記在  
吳家子弟更風流

過鄰人園林

隱者園林畫不譁  
冠山樓閣護青霞  
平安日上琅玕竹  
富貴春行錦綉花  
高鳥時排朱檻過  
遠溪正帶白雲斜  
江城只解聽絲管  
何處能來玉女車

金鳳

金鳳階前只漫生  
移栽行列甚方平  
新來雨本當軒出  
各吐幽花照眼明  
夏雨要將蘇衆槁  
朝陽端已瑞先鳴  
勿云小草精神短  
每論韶簫記尔名

贈楊茂才

西風浙二風雨生南塘  
二樓觀清玄蟬抱樹一時  
息老鶴懷山終夜鳴  
放形海岳等雲水託好音書  
弟兄未知此別會何日爲子商歌無限情

贈王文李

法樂洞天曾一游君家聞在水西頭  
石潭密映藤蘿月山葉深藏虎豹秋  
豈意吳城祠下路共尋楊子岸  
邊舟曾中富有天官李莫爲東南久滯留

到京之七日親祀禮成聞喜有作簡曹  
南征被命過柴荆瘴土歸來濕病嬰行撥煙霞歸上  
界卧聽風雪打長更侍祠想重鳴珂密出次知先警  
鼓清拂曉齋宮聞好語誰人不賀泰階平

辛酉歲元日

西山千仞鬱崔嵬山下樓臺紫翠開  
玉帛會同來万国璣衡縣運屬三台  
嘗聞海客談金鼎更見祠官進玉盃  
慙愧辭臣今白首久無賦頌獻蓬萊

次韻送人之五羊

豫章遠接五羊城白鳥飛逐道路明  
昔我乘桴游汗漫今君攬轡度崢嶸  
湖堦夕下潮聲轉斗角寒深寶氣橫  
總爲觀風揚職業有詩才不負茲行

七月一日度毛竹山雨收

毛竹山高風物幽夜宿白雲新雨收  
沿溪而上鐘鼓響自昔以來仙聖游  
父知地迴飛猿點新喜天空鳴



烏糲折嶮繁危盡吾力此行聊不負司秋

曾教授趨韶州

荔子紅邊五月初廣文去住定何如報恩豈戀將軍  
馬治盜聊迂太守車多近藤羅安吏舍少憑椒葛附  
音書到官定有佳聲薦瘴雨蠻烟細被除

獲鹿西郊在樵舍下十里鹿脫奔走山麓  
余驅騎者踣之以縛自隨時藩兵方燎原

靡得觀者傳訃

獵人大火布江磯準備平章旦出闡麀鹿齊看赤手  
獲鷲鷹猶傍碧雲飛叻二尚想山居縱鷹二寧忘野  
食肥天上神仙不得力心安東縛從吾歸

靖海縣

海縣春深沙氣暄居人生事不離邨上梯取斧料桑  
尾抽櫂移舟繫柳根已過清明違帝里不妨紅白遍  
江園持杯試与酬風物深媿樊逢李圃言

百丈春日紀懷三首

江墅群芳手自栽春前相次斲蒼苔鄰僧昨許山蘭  
送社姬新分圃藥來本為聖情思共濟更饒生事得  
相催粵王溪畔韶光好誰想經年逝不回  
東風久不到新堂生意雖微未卒荒草上葫安偏擬  
特花間芳艸故高長時來豈盡栽培力物化須知  
養方葵藿有心終莫奪每聞支笏照滄浪

飛二燕子守繩樞愛尔由來似鳳雛肯謂掠人嗔坐  
對向曾去我憶某孤塗泥瀆責經營苦爪嘴無供啄  
哺娛春社風光時有再天生品彙各應殊

太樸絨至君靜清詩讀之尉快斯文凋弊  
之餘安得見二桀然者敬嘆々々一詩寄  
謝并簡君瑞要知於二賢傾倒之至也

元豐宗匠是吾師幽夢江湖每見之在昔才名真蓋  
代祗今子弟好能詩六經更待黃麻擬双劍終因紫  
氣知衰疾連秋猶長物扁舟未到謝相思

吊張鍊師

名家接武依丹陛壯歲招魂入翠微遂使老聃成自  
吊不知丁令竟何歸蛇蟬豈恋尋山蛻雞犬嘗聞挾  
日飛獨有皇恩無以報昨傳天語慰松扉

李源李翁

魯國先生九十餘百年消息定何如世情看作東流  
水天地留恩下澤車隴西供奉豈無酒河上丈人空  
有書具說鄉鄰問何事扣門語及莫鐘初

寄題集賢周司直悠然閣

初

番陽東下萬山圍魁閣崢嶸面翠微雲接大荒廻古  
色波涵落木動晴暉宦情靜与游魚逝詩思長隨夕  
鳥飛久待倚闌成獨酌癡兒了事各須歸

徐聞縣懷京下舊游

平生不識張廷尉中歲方逢馬伏波昨見山川皆  
落稍侵霜露始心和皇恩遠荷優隆至旅况深慚慨  
惜多天上故人安好在西風遲暮意如何

泰定二年丙寅歲元日

閩藩傑構入青雲簫鼓聲高萬壑聞甌粵誰存封建  
業唐虞真是聖明君蓬萊瑞氣皇居正太液恩波御  
席分身遠抵懷歸委珮絲綸閣近最繽紛

自戎府出還珠門晚歸解舍

光迎署府千花樹秀入河橋万柳梢春日樓臺圍翠  
巘夜晴燈火接青郊升平舊俗今猶在浩蕩流年又  
過交董奉接官何處宅相依願与結衡茅

閩山神光寺西崖上觀唐李陽冰篆二為

山僧架屋掩所壞居始二十二字云

城西有寺忽如林伏地印霄苔藓侵古人題字者欲  
遍今我杖藜來相尋潛蛟在壑不多見飛鳥過岩時  
一吟斫破荒祠山鬼怪祗饒游覽重千金

游南澗寺二乃唐節度使王審知所建

閩山東面啓松門梯石層二見梵尊題表尚存唐節  
鎮地圖渾似洛林園亭因聚遠開幽徑棧至臨危出  
小軒最是躋攀宜健步病身無羽亦飛鸞

伏觀中書以內郡飢遍行極抃新令感激  
有作

江南往歲旱連州河北今年水逆流恭體朝廷寬大意少紆田里散離憂表章有道誠長策衣食無功本拙謀國制由來重農故太平政不在他求

憲司双捲輪困數十圍其屯數畝雨止觀

白鷺

榕樹庭中翠欲曛飛來白鷺動如雲每當彈射思傷物忽到裘徧感離群護子烏鴉求辟易附人鶴鵲漫續紛要知得失都何与含育無由報聖君

歸思

陶公歸思定如何山郭春風長薜蘿直道當官唯任拙庸才負祿抵慙多江山寔自辭家隔日月虛隨閑戶過點二飛鴻向天未憂端不類澤中歌

到官

陶公到官八十日今我到官踰半耆勸農省俗了何補暖衣飽食將何爲常思在山深虎豹幾曾當道假狐狸英雄見義尤飢渴可使文人有愧辭

風止聞鵲

蓋山遠水放輕刀頓雨顛風戒弊袍五六月餘鄉間絕二千里外客心勞樹間烏鵲声頻好天上麒麟格自高獨有武夷耆耄了野人寄語壓香醪

奉和吳宗師退朝

柳外朝冠古進賢雲間觀戶舊通仙蓬萊豈隔三千

皇華頌宜過一万年香並袞龍浮瑞日吉隨簫鳳下  
晴天文臣不願金莖賜但想黃封到竹邊

奉觀郊廟禮成簡曹禮部元用

西山半壁影鈎陳晴雪新銷路馬塵兩歲通行三大  
禮千官中稱一閑身伊臯事業何當下管樂才名不  
用真遙憶南宮舊詞伯退歌清巖厲生民

和馬貢士元夕同觀鏡之作

已戒金吾夜不譁西山又被雪微遮飢年禁醪知誰  
力到處看灯伴我家旅夢比嘗經赤甲病身尤欲恣  
黃芽雲端此日煙霏暖遙想仙人立露華

富李洞

客居離索感芳晨頗耐物色幽詩人花心尽逐陽和  
動柳眼宜於故舊新萬里清江家共遠九春皓雪夢  
兼頻鹿門自有龐夫子長往煙林秋復春

調馬君

平時有酒不解醉愁至方知酒道尊一萬里程兼雪  
霰三千年事隔朝昏何因洗盡花間恥更与停鞭柳  
下墩寄語東鄰馬貢士今春琴筑好温存

獨立

能詩不得靜中師又是天涯獨立時高帝夕陽人影  
亂曲河新水棹声遲一身慷慨家仍遠十口凄凉歲  
暮存飢偶尔凭闌感風物臨流先被白鷗知

張留公母

山風遙引紫雲車，樓閣春深阿母家。更五十周重甲子，後三千歲一桃華。綵衣故綰封留印，白壁新隨蜀使查。見說麻姑舊行處，至今源上有丹沙。

奉和玉繼李懷濟南舊遊

前輩風流逐斷澌，濟南舊錄故人詩。遙知靈運初游日，正是元方後載時。青社寥寥成異物，丹丘磊磊屬遐思。壯年易動離居感，繾綣花前金屈卮。樓上看山翠黛浮，樓前沽酒錦纏頭。登臨試与詢湖鴈，豪傑親曾侶海鷗。沙領曉晴雲散出，野亭春尽水交流。意中故舊那能得，強擬偷生賦遠游。

每愁大手不如燕，多見公侯勝昔年。計拙欲求千戶等，心勞政類十洲仙。幾回見月思歸去，整到臨風復惘然。剪尽綠楊三萬樹，多應無處著啼鶯。手接新詞絕底清，一双白眼為君青。襄區政待新年穀，江漢徒傳赤日萍。斷雨潛蛟虛水榭，遠波廻鷺寔雲汀。此情可在齊州外，不斛無入問獨醒。

和田師孟印中寒夕西曹即事

正是西曹遣翰初，落花寒食柳微舒。每因作者留心苦，多恨時人守法踈。詩思偶閑絲上史，刑脩正在腹中書。平生万卷蘇居士，皓首東坡雪不如。

上真應寺觀寺後龍湫，在屋上蓋由寺

北下馬並高數十折得之又數步許得巨  
石有僧龕其中云即唐盧叟所隱成道處  
時日斜方焚香誦經聞客至乃能輟誦  
相迎作茶去

憑高窈窕辨精籃濯佩還思訪古潭字貶孟家題處  
碣洞留盧叟去時龕近人野鳥如曾識問客山精不  
敢談聞說平坡猶在上登臨雖倦且停驂

雨後坐郝大叅亭子

每見人來問草堂偶從燕坐憶滄浪地形遠競朝霞  
爽林氣清分宿雨香移石旋成行葉逕障泉思引釣  
魚航它年紫綬歸黃閣几校蒼生俱不妨

雨後過王長史

省郎近佐三公府想得深懷似故山風急游絲當院  
靜雨餘芳草閉門閒未離塵土長思蛻已近江湖不  
論還自尔相看慰岑寂不聞朝署有新班

挽劉提學

逝川無力可能攀又送先生薨碧山化鶴不歸華表  
上鳴雞倘在白雲間空歌楚水巫陽些不見蓬洲使  
福還畢竟修文漢有待玉樓何許淚潸二

范德機詩集卷之七



圖書在版編目(CIP)數據

范德機詩集 / [元]范梈撰.—北京:北京圖書館出版社,2006.12

(中華再造善本)

ISBN 7-5013-3330-0

I. 范… II. 范… III. 古典詩歌—作品集—中國—元代  
IV. I222.747

中國版本圖書館CIP數據核字(2006)第123685號

ISBN 7-5013-3330-0



9 787501 333301 >

書名 范德機詩集(全四冊)  
著者 [元]范梈 撰

出版 北京圖書館出版社(100034 北京市西城區文津街七號)  
發行 Tel:(010)66151313 Fax:(010)66174391

E-mail: Btstxb@nlc.gov.cn  
Website: www.nlcpress.com

造紙 華寶齋  
印刷 杭州富陽古籍印刷廠

開本 八  
印張 二八·七五  
版次 二〇〇六年十二月第一版第一次印刷  
印數 一—二〇〇〇

書號 ISBN 7-5013-3330-0/K·1372  
定價 九二〇圓





